

Bosna i Hercegovina  
FEDERACIJA BOSNE I HERCEGOVINE  
TUZLANSKI KANTON

**KANTONALNI SUD U TUZLI**

Broj: 030-0-Su -24-000 840

Datum, 17. marta 2025. godine

Na osnovu čl. 74., 75. i 76. Zakona o državnoj službi u Tuzlanskom kantonu („Službene novine TK” , br. 11/2024 - prečišćen tekst), Pravilnika o unutrašnjoj organizaciji Kantonalnog suda u Tuzli broj: 003-0-Su-20-000 700 od 12. oktobra 2020. godine i od 26. jula 2023. godine, predsjednik Kantonalnog suda u Tuzli **objavljuje**

**JAVNI OGLAS**

za prijem namještenika u radni odnos na neodređeno vrijeme

1. Viši referent za operativno – tehničke poslove.....1 izvršilac
2. Pomoćni radnik za održavanje čistoće.....1 izvršilac
3. Pomoćni radnik za održavanje čistoće.....1 izvršilac (na određeno vrijeme do povratka odsutnog namještenika sa bolovanja, a najduže tri godine)

**Opis poslova pod rednim brojem 1:**

- učestvuju kao zapisničari na pretresima, raspravama, javnim sjednicama i ročištima,
- postupaju po naredbama u spisima, sređuju spise, vode popis troškova isplaćenih iz predračunskih sredstava suda i staraju se o urednosti spisa, koji su im dodijeljeni u rad,
- vrše daktilografske poslove po diktatu na kompjuteru ili pisaćoj mašini i izrađuje transkripte zapisnika,
- savnjavaju prepisanu poštu i otklanjaju eventualne greške,
- popunjavaju obrasce rješenja o naknadama svjedocima i sudijama porotnicima u predmetima pomilovanja,
- vodi poslove naplate sudske takse i njihovu evidenciju,
- vrši zamjenu sudskih dostavljača za vrijeme korištenja godišnjih odmora, plaćenog odsustva, u slučaju bolovanja i dr.
- obavlja i druge poslove po naredbi predsjednika suda, sekretara suda, šefa Odsjeka i sudije.

**Opis poslova pod rednim brojem 2 i 3:**

- vrši čišćenje prostorija i inventara ovog suda,
- vrši čišćenje hodnika, održavanje sanitarnih čvorova i čišćenje i održavanje hodnika u prizemlju i prostora ulaza u zgradu suda (hola),
- redovno i blagovremeno svakog 1-og radnog dana u mjesecu za taj mjesec osiguravaju tečnost, papir, sapun i ostala sredstva za

- održavanje sanitarnih čvorova od ekonoma i brinu se za njihovu popunu u sanitarnim čvorovima,
- redovno čišćenje prostora ispred i oko zgrade suda koji koristi Kantonalni sud u Tuzli,
- blagovremeno saopštavaju šefa Odsjeka i višeg referenta za održavanje objekta – domara o kvarovima i neispravnim instalacijama u zgradi suda i kvarovima na sredstvima, kojima rukuje i
- obavlja i druge poslove po naredbi predsjednika suda, sekretara suda i šefa Odsjeka.

Pored općih uslova predviđenih članom 76. Zakona o državnoj službi u Tuzlanskom kantonu i to:

- da je državljanin Bosne i Hercegovine;
- da je stariji od 18 godina;
- da je zdravstveno sposobno za obavljanje poslova radnog mjesta;
- da ima vrstu i stepen školske spreme potrebnu za obavljanje poslova radnog mjesta;
- da u posljednje dvije godine od dana objavljivanja javnog oglasa kandidat nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini i
- da kandidat nije obuhvaćen odredbom člana IX 1. Ustava Bosne i Hercegovine,

potrebno je da ispunjava i posebne uslove predviđene Pravilnikom o unutrašnjoj organizaciji Kantonalnog suda u Tuzli i to:

**Za poziciju broj 1.**

SSS, IV stepen – gimnazija ili druge srednje škole IV stepena svih smjerova, poznavanje rada na računaru, završen kurs za kompjutere, 10 mjeseci radnog staža, prijem uz obavezno testiranje

**Za poziciju broj 2. i 3.**

završena osnovna škola i najmanje 6 mjeseci radnog staža.

**Uz prijavu na javni oglas prilažu se sljedeći dokumenti** (original ili ovjerene kopije) :

- Prijava na oglas;
- Izvod iz matične knjige rođenih;
- Svjedočanstvo ili diploma o vrsti i stepenu školske spreme;
- Uvjerenje o državljanstvu (ne starije od 3 mjeseca);
- Uvjerenje o poznavanju rada na računaru za poziciju broj 1;
- Dokaz o radnom stažu – Uvjerenje nadležne Porezne uprave u trajanju od 10 (deset) mjeseci za pozicije 1., odnosno (6) mjeseci za poziciju 2. i 3.
- Izjavu ovjerenu od nadležnog organa kojom se potvrđuje da u posljednje dvije godine od dana objavljivanja javnog oglasa kandidat nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini i
- Izjavu ovjerenu od nadležnog organa da kandidat nije obuhvaćen odredbom člana IX 1. Ustava Bosne i Hercegovine.

Izabrani kandidati su dužni dostaviti ljekarsko uvjerenje o općoj zdravstvenoj sposobnosti prije preuzimanja dužnosti namještenika, ne starije od 3 (tri) mjeseca.

Radni odnos se zasniva na neodređeno vrijeme za poziciju 1. i 2., uz obavezni probni rad, a za poziciju broj 3. do povratka odsutnog namještenika sa bolovanja, a najduže tri godine.

Rok za podnošenje prijava kandidata na Javni oglas je 15 (petnaest) dana od dana objavljivanja na službenoj web. stranici Kantonalnog suda u Tuzli i dnevnim novinama „Večernji list.“

Nepotpune, neuredne i neblagovremene prijave neće se razmatrati.

#### **NAPOMENA:**

Sa kandidatima čije prijave budu blagovremene i uredne za poziciju broj 1. obaviti će se testiranje, dok će se sa svim kandidatima obaviti usmeni razgovor. Kandidati koji se ne pojave na testiranje smatraće se da su odustali od daljne konkursne procedure. O terminu održavanja testiranja kandidati će biti naknadno obaviješteni. Ukoliko se izabrani kandidat prvi put zapošljava u organe državne službe dužni su proći razdoblje probnog rada, koje obuhvata vrijeme uvođenja u posao i vrijeme obavljanja dužnosti i ukupno traje 3 mjeseca.

Prijave sa traženim dokazima o ispunjavanju svih uslova iz Javnog oglasa, osim ljekarskog uvjerenja, koje će izabrani kandidat naknadno priložiti, treba dostaviti u zatvorenoj koverti **sa naznakom „Prijava na Javni oglas za prijem namještenika u radni odnos na sa naznakom na koju poziciju podnosi prijava“** na adresu: **Kantonalni sud u Tuzli, ulica Maršala Tita broj 137**, preporučeno putem pošte ili neposredno u prijemnu kancelariju ovog suda.

Kandidat koji se prijavljuje na više pozicija, može dostaviti samo jednu prijavu u kojoj navodi sve pozicije na koje se prijavljuje uz koju dostavlja ostalu traženu dokumentaciju, kako je navedeno u tekstu oglasa.



**PREDSJEDNIK SUDA**

Indira Hadžimehmedović